



KNR-ip 2022-mut periusissaa

TORAAGAQ

Tusagassiorfik tutsuignarluni siuttusoq





Tunuliaqutaq

KNR tassaavoq Kalaallit Nunaanni tusagassiorfiit sallerfaat tassaallunilu nunatsinni tusagassiorfiit ineriartornerinut tunaartaliisuusoq. Tusagassiorfeqarneq ullumikkut annertuunik unammisassaqarfivoq, teknologit nutaat aammalu atuisartut tusagassiorfinnik atuinermi ileqqui allannguuteqarlutik, tamakkulu pitsaassutsinut imarisalilu ilusiinut annertuunik piumasaqartitsillutik. Nutaanut illuaqqajaanerit malitsigisaanik atuisut eqqarsartariaasiisa nutaat pilersortut KNR-imit paasineqarnissaat aalajangiisuusaaq, tassani atuisut namminneerlutik immersuisuummata aallakaatitsisarfiillu ataqatigiinneq qanilaarnerlu pilersinniarlugit atuisut akornannut nussorneqarlutik.

KNR nutaarsiassanik aliikkusersuutinillu ukiorpasuarini innuttaasunut pilersuisutut sallerfaat. Atuisartut pissu-silersornerisa allanngoriartorneri aammalu teknologiip suliffissuaqarnermi mumisitsinera malillugit, KNR-ip malinnaanissaa pingaartuuvooq, nutaarsiassat, ilisimatitsissutit aliikkusersuutillu atuisut kissaatigisaannut ilusilerlugit ingerlateqqinneqarnissammata.

KNR-ip imarititaanik atuisartut isiginnaartuarnissaannut, tusarnaartuarnissaat atuarnissaallu, tusagassiinermi ileqqut nutaat nutaanik unammisassaqartitsippat. Isiginnaartartut tusarnaartartullu inuusuttut +56-inik ukui-linnit, innuttaasunit 7 %-iinnaasunit, allaanerujussuarinik ileqqoqartut misissuinerit takutippaat. Taamaattumik KNR-ip atuisartunut maannakkut neqeroorutaasa allanngortinnissaat pisariaqarpoq, teknologiskiusumik imarisamikkullu piviusunut nutaanut siunissami naleqquttunngorlugit.

Siunissami unaminartunngortussanut pingaarnernut KNR-ip takusinnaasaanut periusissiap nutaap nutaamik nakkussineq pilersitseqataaffigissavaa, imarisassanut atuisartunut naleqquttunut aammalu imarisatigut attaveqatigiiffinnillu tamanik atuisinnaanermik pisariaqartitsinermut naleqquttunut tunaartaqarluni sulineq ingerlaqqinniassamat. Allanngoriarnermi mobiili pingaarnarpaajussaaq, attaveqatigiinneq ileqquusumik atornerqartartunit soorlu TV-mit radiumiillu tamanik atuisinnaasut, ataatsikkut pisariaqartitanik arlalinnik naammassinissinnaasunut nuukkiartomat.

Immikkuullarissumik inissisimaffik pilersinneqareersooq, tassani KNR-ip innuttaasunit nuannarineqarlunneq pilersitarisaa aammalu imarititaasut nunamik pituttuisullusooq aammalu ileqqorisanik oqaatsinillu siuarsaasut aammalu kiffaangissuseqartumik ilisimatitsissutinik ilisimasanillu pilersitsisarneq KNR-ip nuannaartoralugu ingerlatiinnassavaa. KNR nutaamik tusagassiorfiliortussanngorpoq, taannalu imarisanut nutaanik avatangiisilee-qataasussaassaaq. Taamaattumik KNR-ip nutaamik tusagassiofioriernermini siunissami aallakaatitassoriaatsit qanoq ilusilernissaannut teknikimullu nutaamut allamik pullaveqarnissaa pingaartuuvooq, qaangiutereersuni sak-kunut naleqqussagaasunut KNR-ip tusagassiorfiliunnginnissaa qulakkerniarlugu.

Aqutsisunik sulisunillu piorsaaneq KNR-ip periusersiorfiup nalaani aamma nakkutariniarpaa, taakku isumalluutisatut pingaarnarpaajummata aammalu allanngortitsinermi tunngaviusuullutik, soorlu tusagassiorfittut nutaaliaasuuniaraanni tutsuiginartuuniaraannilu taakku aamma pinngitsoorneqarsinnaangitsut.

KNR pillugu takorluukkat

Tusagassiorfik
tutsuiginarluni
siuttusoq

Tamanna pissaq:

- Ullutsinnit takutitassat pilersinnerisigut
- Ilisimatitsissutit ilisimasallu kiffaanngitsuunissaasa isorineqarsinnaanerisalu qulakkernerisigut
- Suliatta paasiuminartuunerisigut
- Kalaallit ataatsimoortuunerisa nukittorsarneratigut
- Kalaallit ileqqorisaannut pituttorsimanikkut
- Maannakkut siunissamilu tusagassiorfittut piuna-neqarnerunikkut
- Public Service aamma ilinniartitaaneq eqqarsaati-galugit inuiaqatigiinni akisussaaffitta nukittorsar-neratigut
- Tusagassiiviit nutaaliat sunniuteqarluartullu aqqu-tigalugit allanngoriartornerup pilersinneratigut
- Suliffittut pitsaanerpaajunikkut

KNR-ip periusissiorfissatut inissisimanagera


<p>Nukittuffiit</p> <p>Oqaatsit Sulilersussat isumassarsiviginartut Oqaasileriffimmik suleqateqarneq Aqutseriaaseq ullutsinnut naleqquttoq Pikkorissarsinnaaneq ilinniaqqissinnaanerlu Aallakaatitat ukiup ilineranut naleqqussakkat Allangorartunut piareersimassuseq Nukittuumik ataatsimoorussuseqarneq Ilumoortuuneq tunniusimanagerlu (KNR ataasiaraanni; qaqugumulluunniit) Sumiuussusermi nunarsuarmilu Aallakaatitat imarisaat Sullitat (niuerfik mikisoq) Nuna tamakkerlugu Ilisarnaat pitsaasoq Assigiinngitsuussuseq Suliffik pilerinartooq Inuit malunnaatillit pitsaasut / ilisarisisimanagerartut</p>	<p>Sanngiiffiit</p> <p>Suliffiup iluani attaveqatigiinneq Atortut nutaanngilinikut Init attartukkat Sulisussarsiorneq Pingaartumik teknikerit akornanni ilinniarsimasatigut amigartumik piginnaanikinnek Radiukkut TV-ikkullu takisuunik aaqqissukkanillu aallakaatitassaaleqineq Aqutsisinnaassuseq siuttuusinnaassuserlu – Leadership Ingerlatsisinnaasumik aquttoqannginneq (empowerment) suliakkersuineq Nutaaliorneq – TV-ikkut aallakaatitat/aliikkusersuutit Isumalluutissanik aqutsineq Silo-tænkning – Nammineq susassaqarfimmi pingaartitsivillaarneq Ineriartornermit siulliuniarneq Suliffimmut pikkorissuseq– ilinniarsimasatigut atortut) Aningaasarsiorneq Suliffeqarfimmi ileqqorisat</p>
<p>Siooranartut</p> <p>Internettikkut inuit naapittarfii Nunarsuarmiooqataatitaaneq Iluanaarniutigalugu suliaqarsinnaanerup killeqarnera Tusagassiisarfinnik nutaanik pakkussinissaq Aningaasaliissutit / aningaasaqarneq Tusagassiisarnermi ileqqut allangoriartorneri Teknologiskimik ineriartorneq (internet akikilliarthortooq) Kiffaanngissuseq (qinikkat akuliuttarneri) Inuit internettikkut naapittarfii Pisortat kattuffinnut isumaqatigiissutaannut pituttugaaneq Illoqarfiit TV-qafiit-/tusaataat / suliffeqarfiit Ussatsitsiniarluni tusagassiorneq Akaarinninnginneq Inuiaqatigiinni ajortumik oqaluuserineqarneq</p>	<p>Periarfissat</p> <p>Internet sukkannerusoq akikinnerusorlu Siaruartheriffiit Tusagassiisarfii Iluanaarniarnermi periutsit Digitalinngorsaaneq Inuit internettikkut naapittarfii Tusagassiorfik nutaaq DAB Illoqarfinni TV-qarfii/ tusaataallu Ileqqulersuutinik timersornermillu sullissisarfiit/peqatigiiffiit (KAK) Teknologi nutaaq</p>

Periusissiornermi qulequttat

2022-imut periusissiornermi periusissiorluni suliniuteqarfissat pingaarnerit 5, KNR-ip ukiup taassuma tungaanut sulissutiginiagai pineqarput, taakkulu paasineqarput tassaasut:

- **Piginnaanernik siuarsaaneq aaqqissugaanerlu**
- **Imarisat siaruarsaaviillu pisariaqartitat malillugit ullutsinnut nutarterneqasapput**
- **Atuisartut pillugit ilisimasaqarnerulerneq soqutiginnittullu pingaarnerit iliuuseqarfigineri**
- **Teknikip tusagassiorfissallu nutarterneri**
- **Aningaasanik aqutsineq aamma tusagassiorfimmuut nutaamut atatillugu nutaamik kinaassuserneq**

Pisariaqartumik siuariarnissaq aammalu KNR-ip iluani allangortussanik nakkussineq suliniuteqarfissat pilerseqaataaffigissavaat, taamatullu KNR-ip avatangiiserisai allangorartuartut iliuuseqarfigalugit. Periusissiap eqqortumik nakkussinera qulequttat qulakkiissavaat taavalu sulisut atuisunut iluaqutaasumik siuariarnissaannut nukit KNR-ip atussallugit, taamaalillutik imarisaasut pitsaannerusut naammassisarfiusumik nutaaliaasumillu tunniunneqartillugit.



Tusagassiorfik tutsuiginarluni siuttuusoq

Takorluugaq

Aaqqissugaa- neq aamma piginnaanernik siarsaaneq	Siammarteriviit imarisallu	Soqutiginnittut aammalu sullitanik paasi- simsaqarneq	Teknologi tusa- gassiorfissarlu	Kinaassuseq aamma aningaasatigut killissarititaasut	Suliniutit / periuksit
Sulinermik nuannarinnineq qaffasissuq, suliarturngitsuukulannginneq, Qinnuteqartut pikkorinnerpaat, aqtsillammaat, Pikkorissaaneq, Oqaatsit	Imarisat naleqquttut Siararteriffiit ataqatigiittut sakkui ilisarnartut Inuussuttut pingaartillugit Aallakaatitseriaatsit nutaat	KNR atuisuminik ilisimaarinissaaq, KNR pitsaanerpaanik aallakaatitsisarluni. KNR-ip soqutiginnitsit oqaloqatigissavai.	Toqqorsivimmiittut Digitalingorlugit. Siararteriviit ataqatigiittut. Tusagassiorfissaq. Aallakaatitassanik naammassisaqarneruneq. HD TV ; KNR 1 & 2	Aningaasaqarneq paasinartoq Kinaassuseq ullutsinniittoq lluanaarniutigalugu niuerfissat	Anguniakkat
Akisussaassuseqartut - akaareqatigiittut - suliamut pikkorissut - nutaaliortut					Naleqartitat

Naleqartitat

- Akisussaassuseqartut
- Akaareqatigiittut
- Suliaminnut pikkorissut
- Nutaaliortut

Naleqartitat tassaapput suliffeqarfiup DNA-assai

Naleqartitaq	Pissuserisassatut kissaatigisaq
Akisussaassuseqartut	Piginnittuussaagut akisussaassuseqarlutalu. Kivitseqatigiissaagut tutsuiginassuserlu pingaartitalugulu.
Akaareqatigiittut	Iliusitta kingunissai eqqarsaatigisarpavut taavalu oqaloqatigiinneq ataqqinninnerlu pilersittarlugit. Assigiinngissuseq nukittussuseraarput.
Suliaminnut pikkorissut	Ilinniarsimasagut tulluusimaarutigavut immitsinnut isumassarsisisarluta. Nukigut killigullu nalunngilavut tutsuiginartunillu paasissutissanik ilisimasanillu tunniussarluta.
Nutaaliortut	Allannguutininut piareersimasuuvugut, sapiitsuulluta isumassarsiortuullutalu. Atuisartugut oqaloqatigisarpavut siararterivinnilu atugaanni aamma najuulluta.



01

**Aaqqissugaaneq
piginnaanernillu
siuarsaaneq**

Periusissiornermi inissisimaneq

Allanguinerit anguniarlugit KNR-imi sulisut tassaapput isumalluutissat pingaarnersaat. Ullumikkut malunaa-tilimmik unamilligassaqarpugut atuisutta pissusiisa allanngorarneri aatsaat taama piartortigimmat. Taamaatumik sulisut nikinnermi malinnaassapput, piginnaaneri siunissami unamminartunut naleqquttuullutik, tamassumalu atuisartut pisariaqartitaannik naamassinninnaajunnaarluni KNR-ip kinguarsimalinginnissaa qulakkissavaa.

Piginnaanernik siuarsaaneq periusissami pingaartuuvoq, inuit KNR-imiittut iluatsitinissamut ajutoornissamullu allaanerussutaammata. Suliffiup takorluukkanut kivinnissaanut sulisut piginnaaneqarnissaat KNR-ip qulakkiissavaa kiisalu suliffeqarfimmut piumasaqaataasunik paasisimannilluartuussallutik.

Naleqartitat nutaat malunnaatilimmillu allanngoriartornerit avatangiisitsinni pisut malitsigisaannik periusissiarineqartup nalaani KNR-imi ileqqusut allanngortinneqassapput. Taamaattumik naleqartitat nutaat tassaalissapput najoqqutassiamik nipititsisut aammalu KNR-imik qilersuisut, qanilaartumillu suleqatigiinnerit nutaat nukittusullu pilersinnerisigut, immikkoortortaqarfiit akimorlugiit angusanik pilersitsisussat.

KNR-imi aqutsisut pitsaanerpaajussapput suliffiup iluani avataanilu maligassiusut, tassa aqutsinermi eqqarsarluarneq tatiginninnermi ammasuunermillu tunngaveqassalluni, suleqatigiit piaarnerusumik ajornannginnerusumillu naammassisarluartut pilersinniarlugit.

Suliniutit makku suliffimmik allanngueqataasussat aammalu aqutsisut sulisullu piginnaanerik siuarsaasussat KNR-ip sulissutiginiarpai

- **Aqutsisunik siuarsaaneq**
- **Sulisut piginnaanerik siuarsaaneq**
- **Suliffimmi avatangiisit tarnermut timimullu**
- **Suliffiup iluani attaveqatigiinneq**
- **Nutaanik sulisussarsiorneq**
- **Oqaatsit**
- **Suliassanut naleqquttumik aaqqissugaaneq**

Periusissiami suliniutit - piginnaaneq

Aqutsineq

Aqutsineq allanngoriartortitsissaaq, taamaattumik KNR-ip aqutsisuisa inutsialaasuunissaat pingaartuuvoq, ingerlatsineq ineriartornerlu nakkutarinissaannut piginnaanillit, taavalu naleqartitat tunngavigalugit aqutsinerup aqutsinermi ileqqorilernissaa sulissutigineqarluni. KNR-ip aqutsisui suliffimmi maligassiuisuullutik sallersaassapput. Aqutsisut ersarissuussapput paasinartuullutillu, sulisut malinnaatillugit, takorluugaq KNR-ip ornitaa sulisut paasinnaassagamikku susassaqtunullu tamanut eqortuusoralugu. Isumalluutissat Kalaallit Nunaanni tusagasiorfittut annersaasutut KNR-ip pigiligaasa naammassisarfiusumik atorluarneqarnissaat aqunneqarnissaallu aqutsisut qulakkiissavaat.

Piginnaanernik siuarsaaneq

KNR-ip Periusissiamik iluatsitsinissaanut piginnaanernik siuarsaaneq pingaartuuvoq, inuit isumalluutissaammata assigiinngissutaasinnaasut. KNR-ip takorluukkanut kivinnissaanut suliffiup inuttut teknikikullu piginnaaneqarnissaa qulakkeerneqassaaq.

Sulisunik sulilersussanillu ilinniartitsineq iluatitsinissamut aqqutissaavoq, tassani sulisut atorfimminnik paarla-kaattarneri aaqqissugaasumillu qaffakkiartornermik pilersaarutit taamatut ineriartornerup aaqqissuunneranut sakkuusinnaallutik. Sulisut piginnaanerisa katitigaanerik KNR-ip tamanik paasinninnissaa, Kalaallit Nunaanni tusagasiorfiit annersaattut aamma pigisarineqarsinnaavoq, piginnaanerit suliffeqarfiup immikkoortortaqarfii akimorlugit atorluarneqarsinnaallutik.

Sulisussarsiorneq

Sulisussarsiorneq qulequtaavoq KNR-imi suliassat suliarinissaannut tamatigut eqqortunik pikkorinnerpaanillu sulisoqarnissamik qulakkeerisussaaq. KNR-imi suliffeqarnissaaq pilerinartuussaaq, aammalu suliumasut KNR-imi suliffissarsiortarnissaat pissusissamisoortuussalluni, KNR-ip pikkorinnerpaat toqqarsinnaallugit. Sulisussarsiornermi suleriaatsit suliumasut eqqortut qulakkiissavaat. Aqutsisut eqqortunik piginnaanilinnik pissuserissunillu sulisor-tarnerini HR tapersersuisuussaaq.

Periusissiami suliniutit - suliffik

Naleqartitat

Naleqartitat taakkulu atuutilersinneri periusissiap ingerlannerani qitiussapput, tassaassammata suliffeqarfimmi nippussuutsititut tassaassallutillu "DNA" nutaat, allangoriartormik ingerlatsit. Siunissami pissusersornermut naleqartitat aqutsisuussapput.

Oqaatsit

Oqaatsit toqqammaviueneri periusissami aamma pingaartutulequtaavoq. KNR-ip nuna tamakkerlugu tamanik kiffartuussititut inissisimanermini oqaatsinik ileqqusunillu illersuisutut suliffeqarfiuvoq. Oqariartuutit annguniarnerini oqaatsit sakkussani ataqqinernerpaapput, taamaattumik KNR-ip tassunga tunngasunik salliunissaa pissusissamisoorpoq. Oqaatsit taamaallutik isumallutissatut pigisatut erlinnartuutinneqassapput.

Sulinermi avatangiisit

Sulinermi avatangiisit timimut tarnermullu qitiusussaapput, taamaattumik periusissiorlugit suliniutit aallarnisarneqartut qulakkiisavaat, KNR tusagassiorfinni pitsaanerpaanik sulinermi avatangiiseqartoq.

Attaveqatigiinneq


Sulisut suliffimmini iluarisimaarinninnissaannut naammagisimaarinninnissaannullu attaveqatigiinneq pingaartuuvog, taamaattumik aqutsisut sulisullu akornanni attaveqatigiinnerup qulakkeernissaanut, kiisalu immikkoortortaqarfiit akornanni attaveqatigiinnerup nukittorsarnissaanut immikkut suliniuteqartoqassaaq. Tamanna ileqqusunik allangortitseqataassaaq aammalu suleqatit allat suliarisaannik ilisimasaqarnissaaq qulakkeerlugu, taamaaliornikkut allanik ilinniarsimasutut suliaqartut suliffimmi inissisimaffiit akimorlugit suliniutinut nutaanut tapersersortissarsiortoqarsinnaalluni.

Suliffiup aaqqissugaanera


Suliffiup aaqqissugaanera periusissiamik ingerlataqarneq pissusissamisoortumik aallaavigaa, KNR-ip ullumikkut aaqqissugaanerata ilusaa inarutaasumik perusermut naleqqussarneqassamat. Nakkussinerup teknikimit imarisanut sullitanullu nuukkiartornera ilutigalugu pissusissamisuussaaq siunissami suliassat allatut periuseqarluni naammassinissaat. Aaqqissuusseqqinnissaaq immini anguniagaangilaq, kisianni KNR-ip naammassisaqarnerulersinnaanissaanut periarfissaavoq ilutigitillugulu ileqqorisanik allangortitseqataalluni.



Aaqqissussaaneq piginnaanerillu siuarsarnerini anguniakkat



Aaqqissuusaaneq piginnaanernillu siarsaanermi anguniakkat



02

Imarisat siam- marteriviillu

Periusissiornermi inissisimaneq

Imarisat aammalu siammarterissutit imarisanik tunniussuisut KNR-ip siunissami iluatsinnissaannut pingaaruteqarluinnartuupput. Nikeriarnerit ullumikkut tunaartarisaat, siammarterutit assigiingitsut imarisaqarnissaannik aammalu sumiikkaluaaraanni qanorlu iligaluaaraanni imarisalinnut isersinnaanissaq, atuisunit naatsorsuuteqarneq. Avatangiiserisat KNR-imik qanoq paasinninnerat imarisaasut nassuiaasissavaat, imarisallu aamma KNR-ip avataanit pitsaannerusumik isigineqarnissaq aamma pilersissavaat ilusilerlugulu. Taamaattumik KNR-ip avatangiiserisat naatsorsuutigisaannut naleqquttuunissaa pingaaruteqarpoq.

KNR-ip suliassaa ataqqinarnarpaasoq tassaavoq ullutsinni pisunik takussutissiinissaa aammalu kalaallit ataatsimoortuunerinik kalaallillu ileqqorisaannik nukittorsaaniisaq. Tamanna imarisanik aallakaatitassiornissamut siammarterivinnullu imarisanik tunniussisussanut annertuunik piumasaqatissiivoq. KNR nutaarsiassanut, ilinniarnermut aliikkusersuinernullu tunngatillugu inuttaasunit pissusissamisoortumik toqqagassaassaaq.

Imarisanik neqeroortut atuisullu akornanni katiterititsinissamik piumasaqarneq annertusiartorpoq, taamaattorpiarlu KNR unamminartumut tassunga piareersimassalluni, ileqqusumik avatangiiserititaasartut soorlu studiami immiussat aqqissukkallu toqqaannartumik aallakaatitaanik, atuisartut sumiiffigisaanniittunik taarsersimanisaat naatsorsuutigineqarluni. Tamanna piginnaanernik nutaanik aallakaatitallu allanik imarisaqarnissaannik piumasaqartitsivoq. Periusissap ataqqinarnertut suliassaaraa, KNR-ip taamatut angalaqataanissaa qulakkiissallugu, imaritat siammarteriviillu atuisartut pisariaqartitaannut naatsorsuutigisaannullu naleqquttuuniassammata.

Siuliani unamminartut iliuseqarfigisinnaaniarlugit periusissiami immikkoortut pingaarnerit 3 siunissami piumasaqaataasussanik tunngaveqartut iliuseqarfigineqassapput.

- Suliffiup imarisallu malinnaatinneri
- Imarisat/content nutarterneri
- Siammarteriviit imarisanik tunniussuisut

Suliniutit periusissiuqkat

Imarisanik malinnaatitsineq

KNR aallakaatitassianik malinnaatitsisumik nalunaarsuissaaq. Siammarterivinnut aassigiinngitsunut (knr.gl, raadiu, TV) KNR ullumikkut amerlasuunik aallakaatitassiorparpoq. Inunnit aningaasatigullu isumalluutissat atuisartut eqqarsaatigalugit pitsaanerpaamik atorluarnissaat qulakkeerniarlugu, ullutsinnut naleqquttuunerinik anguniarneqartullu eqqarsaatigalugit naleqquttuunersut aamma pingaarnertut periusissiaq eqqarsaatigalugu nalilersorniarlugit imarisat misissorneqassapput. Maannakkut aallakaatitassiaasut ineriartortinnerisa misissornerisalu qulakkiissavaat, KNR-ip imarisamigut atuisunit sunnerneqarnerulernissaa tunaartaralugu ineriartornissaa qulakkiissavaat, tassani atuisut KNR-illu akornanni suleqatigiinneq pissalluni. Aallakaatitsiviup atuisunut qaninnerulersillugu nuunnissaa KNR-ip kissaatigaa, taamaalilluta atuisunut qanilaarneq naligiinnerunerlu pilersillugit.

Suliffik akimorlugu suleqatigiit

Aallakaatitassiat ineriartortinnerinut nutaaliornermik isumassarsiornermillu eqqarsartoqassaaq. Taamaattumik suliffik/suleqatigiit maanna ilinniarsimasanik killeqarfiusut akimorlugit siuarsarneqassaaq. Tamassuma ileqquusumik siammarteriviit akuleriisillugit KNR-ip nutaaliulernissaa qulakkiissavaat, ilutigitillugu imarisat isorniarlumik isigineqassallutik. Siammarteriviit akuleriisillugit titartaganngorlugu oqariartuut ataqatigiisooq KNR-ip pisariaqartippaa, KNR ataasiusooq atuisartut misiginiassammassuk. Suliniutit nutaat atuisartunik ilisimasaqarnermik tunngaveqartinneqassapput, taakkulu pisariaqartitaat namminneq pigisaattut sallinngortinneqartassallutik.

Aallakaatitseriaaseq nutaaliaasoq

Aallakaatitseriaatsip nutaaliaasup ullutsinnullu naleqquttup KNR-ip inunnit isummerfiginera ajunnginnerulersitsissaaq, ajunngitsumillu oqaluuserineqarnerata aamma qulakkiissallugu KNR akissaminik aningaasaliissutinillu ajornannginnerusumik pissarsisarnissaa. Tamatuma saniatigut aallakaatitseriaatsip nutaaliaasup sulisutsialaat KNR suliffissamittut sallertut toqqaasalertissallugit. Aallakaatitseriaatsip nutartigaq ilaatigut atuisartut piliaannik tunngaveqassaaq, kisianni aamma assersuutigalugu apeqqarissaarinerni piviusunik paasiniarneqareersuni misigissutsinik isummanillu annerusumik tunngaveqassallutik.

Inuusuttunik tunaartaqarneq salliutinneqassaaq, tunaartassat amerlanersaammata tassaallutillu tunaartat maannakkut imarisatigut KNR-ip tiguarsimannginnerisai. Meeqqanut inuusuttunullu nutaarsiassanik siuarsaneq suliniutaasinnaavoq piffissap ingerlanerani siuarsarneqarsinnaasoq. Inunnit nuannarineqarneq pilersinniarlugu KNR-ip qitiusumik piginnaaneqarnera qitiutillugu aliikkusersuineq soorlu piginnaanilinnik quiasaarutiginninnermillu nutaanik aallakaatitsarnikkut nukittorsaqinneqarsinnaavoq. Tamatuma saniatigut atuisartunut aallakaatitassiallu itinerulaartut allat misissuinerimi innuttaasunik ilisimasaqarnerulersitsisut suliniutigineqarsinnaapput.

Siammarteriviit

Imarisanik malinnaasitsineq nutarterinerlu qitiutinnerini siammarteriviit eqqortut atorlugit imarisanik tunniussinissaaq aamma pisariaqarpoq. Siammarterivinni 3-ni (Radio, TV aamma knr.gl) KNR najuuttuuvooq, taakkunani imarisat siammarteriviit immikkut ataasiakkaarlugit aallakaatitassiarineqartarlutik imminnut apeqqutaatinngit. Periusissiaq sinaakkutissanik nutaanik pilersitsissaaq, tassani siammarterivinnik nutaanik atuinerup aallakaatitassiarineqartut nutaaliaasumik atorluarnissaat qulakkiissallugu. Facebook, Instagram, YouTube, Twitter aammalu inuit naapittarfii allat KNR-ip sullitalu akornanni attaveqatigiinneq pitsaanerusoq pilersinniarlugu eqeersimaartumik atorneqassapput.

Inuusuttut tunaartarineqartut siammarteriviit ullumikkut KNR-imit tamakkiisumik atorluarneqanngitsut atorneruaat, taamaattumik tunaartassaaq pingaarutilik siammarteriviit assigiinngitsut atorluannginnerisut annaaneqarluni.


KNR-ip ataqatigiissunik siammarteriveqarnissaaq anguniagaavoq, tassani imarisat agguarneqarsinnaallutik aammalu siammarterivitsigut ataqatigiissaarisooqarluni. Web tassaasinnaavoq katersuiviusooq, siammarterivinni arlalinni ataqatigiinnermik pilersitsisoq. Atuisartut silarsuaannik pilersitsinissamut Apps-inik assigisaannillu nammineerluni ineriisaaneq periarfissaalluarsinnaavoq, tamannalu atuisartut eqqarsaatigalugit misissorneqassaaq.

Kanali KNR2, timersortunik inatsisartullu ataatsimiittarnerinik aallakaatitsiviusarnera eqqaassanngikkuni piffissap

ilaani ator neqanngitsaq, periusissiorfiusumi ator neqalissaaq. KNR2-p KNR1 assigalugu pilereqartunik imaqar-tillugu kingusinnerpaamik 2018 naanerani aallartinnissaaq anguniagaavoq, aallakaatitsissutit ullutsinnut naleq-quttut atuleriapata.

Imarisat digitalingoraluttuarneri malillugu maannakkullu atortut digitaliuillugit, silarsuaq digitaliusoq nutaaq offline pilersinneqarsinnaavoq, siammarteriviit assigiinngitsut arlaqartut atorlugit atuisartut qaqugukkulluunniit aallersinnaallutik. TV-mut toqqorsivimmiittut imaluunniit nutaarsiaasanut radiumullu podcastit qitiulersinnaap-put, atuisartut imarisanut offline isersinnaallutik.

Imarisanut siammarterivinnullu anguniakkat



Imarisanut siammarterivinnullu anguniakkat



03

Soqutiginnitsit atuisunillu paasisimannineq

Atuisunik paasisimanninnermi periusissiornermi inissisimaneq

Tusagassisarnermi ileqquusut nikinneri avatangiisillu sukkaasumik allanngorneri malillugit niuernerme iliuuseqarnissamat eqqortunik ilisimasaqarnissaq pisariaqarpoq. Taamaattumik atuisuni soqutiginnitsinilu pillugit ilisimasat malinnaatinnissaat KNR-imut pingaartuuvoq, KNR iliuuseqaqqaartuusinnaaniassamat.

Niuerfigisaq, atuisartut soqutiginnitsinnillu pillugit ilisimasaqarnermik periusissiaq tunngaveqarpoq, taamaattumik ilisimasat taakkulu suliffiup iluani siammarternissaat atuisunulu imaritat ineriartortinnissaannut atornissaat aaqqissuunnissaat KNR-imut pisariaqarpoq.

Soqutiginnitsinik misissuinerup soqutiginnitsit assigiinngitsut KNR-imut attuumassuteqartut kinaassuserneqarput. Misissuinerme soqutiginnitsit pingaarnersaat, KNR-ip periusianut tunaartaanullu sunniuteqartut aamma kinaassuserneqarput. KNR suliffeqarfiuvoq pisortanit pigineqartoq, amerlasuunik soqutiginnitseqarluni, KNR pillugu ingerlaavartumik isummersortunik. Taamaattumik periusissiaq soqutiginnitsinut sammisuussaaq, soqutiginnitsit pingaarnersaat aaqqissugaasumik sammineqassallutik, tamassuma malitsigissallugu soqutiginnitsit taakkulu isumaat pillugit KNR ilisimasaqassalluni. Soqutiginnitsinik oqaloqateqartarneq piviusunik tunngaveqalissaaq taavalu ineriartornermi soqutiginnitsit KNR-imut malitsinniagaannut KNR siulliulissalluni.

Ukiut ingerlanerini KNR atuisartunik il.il. misissuisitsisarpoq, tamakku atuisunik paasisimasaqartitsipput. Ilisimasanik KNR suli atorfissaqartitsivoq, siumut isigisunik aammalu siunissami imarisassanut siammarterivinnullu atuisartut pisariaqartitaannik kissaatigisaannillu paasisimasaqartitsilersunik.

Atuisartunik soqutiginnitsinillu paasisimasaqarneq pillugit periusissiatigut anguniakkat makku KNR-ip sulissutiginiarpai:

Pitsaanerpaanik aallakaatitsisinnaaniarluta atuisartugut pillugit KNR ullutsinnut naleqqutunik paasisimasaqarniarpoq

KNR soqutiginnitsinik eqeersimaartumik oqaloqateqartarniarpoq

- **Atuisartunik paasisimasaqarneq – pissuserisat pisariaqartitallu**
- **Aalajangiisarnermi ilisimasanik tunngaveqartarneq – piviusunik tunngaveqartarneq**
- **Qitiusumik piginnaaneqarfik – inunnit nuannarineqarneq**
- **Soqutiginnitsinik nakkutiginninneq aqqissugaasumillu sunniiniarneq**
- **Suliffiup iluani avataanullu attaveqaqatigiinneq pitsaanerusoq suliffiup iluani paasisimasaqarluni oqaloqatiinneq pilersinniarlugu**



Suliniutit periusissuukat

KNR-ip aallakaatitassiaasa imarisai atuisartut naatsorsuutigisaannut aamma naleqquttuunissaannut qulakkeerin-ninnermut atuisartunik paasisimasaqarneruneq sakkussatut pingaernerit ilagaat. Atuisartut pisariaqartitaannik paasisimasaqarnerup KNR piffissamut eqqortumut naleqquttunik aallakaatitassiorsinnaalersissavaa, taamaaliornik-kut isumalluutissat inuiaqatigiinnut iluaqutaanerpaamik atorveqassallutik.

Atuisartunik paasisimasaqarneq aamma aallakaatitassat imarisaannik atorunnaarsitsinermulluunniit toqqaanermi aalajangiinissamut pitsaaneruseqarnerumut tunngaviliissaaq, piviusut tunngavigalugit aalajangiineq ilisimasaqarnermik tunngaveqassammat, inuit ataasiakkaat isumaat ilimagisaalluunniit tunngavigalugit aalajangiinermut taarsiullugit. Piusunik aammalu atuisartunik paasisimasaqarneq tusagassiisarnermik suliffeqarfittut sallertut takorluukkamut pi-lersitseqataassapput.

Maanna ukiumoortumik atuisartunik misissuisarnerit ingerlaannassapput, tamannalu atuisartut siunnersuisoqatiif-fiannut pilersinneqaaqqammersumut atuutissaaq. Misussuisarnermi aammalu atuisartut siunnersoqatigiiffiat siumut isiginninnermut KNR-ip eqeersimaartumik atornerulissavai. Tamatuma saniatigut paasisimasalinnik oqallitsitinerit KNR-ip atortalerniarpai, imarisanut pineqartunut tunngatillugu apersorneqarsinnaasut nalunaaruteqarsinnaasullu.

KNR taamatuttaaq illumut avammullu ersarinnerulissaaq, taamaattumik suliniutit, KNR suliffeqarfittut suunera-nik aammalu susinnaaneramik avataaniittunik soqutiginnerulersitsisussat aallarnisarneqassapput. Tamassuma KNR-ip pitsaaneruseqarnermik pilersaarinissutigineramik pilersitseqataassapput ilutigitillugulu KNR tusagassiisarfitut pile-risaarutitik siammarterivittut pilerinarnersullugulu.

Suliniutit atuisartut akornanni KNR-imik nalilersuisarnermik ileqqoqalersitsisussat aallarnisarneqassapput. Tassaa-sinnaapput paasisimasalinnik oqallitsitinerit imaluunniit teknikikkut uuttuinerit, atuisartut sunik isiginnaarsimane-rmik, tusarnaarsimaneerinik atuarsimaneerinilluunniit paasisimasaqalersitsisunik. Ungasinneruseqarnermik aamma eqqarsaatigineqarsinnaapput SMS-ikkut imaluunniit siammarteriviit allat atorlugit uuttuinerit, KNR-imut ilisimasamik nutaanik ataatsimut tunniussisinnaasut. Ajornanngitsunik aaqqiinerit aallarniutiginissaat aallaaviussaaq, piffissap ingerlane-rani pitsanngorsarneqarsinnaasut siuarsarneqarlutillu.

“Inunnit nuannarineqarnerup” pilersissinnaanera KNR-ip immikkut piginnaaneqarfiaa, tusagassiisarfiit allat assi-lisinnaanngisaannik, tamannalu KNR-ip nukittuffigisatut pigissavaa. Inunnit nuannerineqarneq itineruseqarnermik misis-sorneqassaaq, taamatut piginnaaneqarneq tunngavigalugu imarisat siuarsarneqarsinnaanngorlugit.


KNR suliffeqarfittut pisortanit pigineqartutut immikkut pisussaaffeqarpoq soqutiginnitsit pitsaasumik oqaloqatigi-sassallugit, KNR-ip periusissiatut tunaartaa soqutiginnitsinut pingaarnernut naleqquttuunissaa qulakkeerniarlugu, taavalu KNR-imik tunaartamillu piginnittut politikikkullu aaqqissugaasoq tamatigut malinnaatinnissaat qulakkeer-niarlugu, suliniutit tunaartalerneqassallutik. Naatsorsuutigineqartunut naleqqussaasoqassaaq, pitsaaneruseqarnermik su-leqatigiittoqarnissaanik aammalu eqqissilluni suliaqarnissamut KNR-imut qulakkeerisumik. Soqutiginnitsinik inger-laavartumik nakkutillisoqassaaq, taavalu soqutiginnitsinik pitsaasumik oqaloqateqartarnissaq taakkunungalu siul-liulluni iliuuseqarniartarnissaq qulakkeerniarlugit, suliaqarfiit pingaernerit ingerlaavartumik nalilersortarlugit.

Suliffiup iluani sulisunut avammullu tamanut KNR attaveqatigiinniarnersussaaq. Suliffiup iluani avammullu atta-veqatigiinneq ullumikkut amigaataavoq, tamannalu pakatsisitsilersarpoq attaveqatigiinnermik suliniuteqar-nikkut pinngitsoorneqarsinnaasunik.


Imaritinneqartumut aalajangersimasumut tunaartarisatut kissaatigineqartoq eqqorniarlugu KNR avammut attave-qartussaavoq aamma siammarteriviit nammineq atunngisanik aqutugalugit. Inuusuttut KNR-imik atuisuunnginne-rat eqqarsaatigalugu kiisalu tassaallutik immikkut suliniuteqarfiusussaasut, oqariartuutit taakkununga anngun-niarlugit siammarteriviit allat eqqarsaatigisariaqarput.

Avammut attaveqatigiinnerup pitsaanerulernissaa qulakkeerniarlugu, suliffiup iluani ilisimasaqarneq qulakkeer-tariaqarpoq. Taamaattumik sulisut/aqutsisut ilisimasamik avitseqatigiinnissaannik aamma ingerlaavartumik attave-qatigiinnissaannik qulakkeernittunik suliniartoqassaaq, KNR-imi ilisimasat ataatsimut qaffassissusiat kivillugu. Attaveqatigiinnermik suleqatigiit pilersinneri suliniummik aallarniutaasinaavoq.

Soqutiginnitsinik atuisartunillu paasisimasaqarnermut anguniakkat



Soqutiginnitsinik atuisartunillu paasisimasaqarnermut anguniakkat



04

Teknik aamma
tusagassiisarfik
nutaaq

Teknikimut aamma tusagassiisarfimmut nutaamut periusissiornermi inissisimaffik

Teknologiip ineriartornera allanggoriartornermut malunnaatilerujussuuvoq. Siammarteriviit ikittuinnarniit assigiingitsorpassuarnut atuisukkormiuni nikittoqarpoq, tamannalu KNR-imut kalaallillu tusagassiorfiinut allanut unamminartuuvoq.

Atortuni atorsinnaasani tamani imassanik pisariaqartitsineq annertusiartuinnartooq pilernikuuvoq. Atuisartut "nikinnerminni" tusagassiorfinnik kissaateqarput.

TV-mik, radiumik aammalu siammerterinerneq teknologi ineriartornermini allanggoriartormat, maani nunami tusagassiisarfimmut allanit unammillerneqarneq aamma sakkortusiartorpoq. Online-kut sullissisarfiit aatsaat taama ajornanngitsigaat, internettillu sukkatsikkiartortoq KNR-imut ima isumaqarpoq, siammarterivinni atuisartut ullumikkut atortagaanni pissarsiassaassasugut ilutigitillugulu tunaartarisatta pisariaqartitaat eqqumaffigissallutigu.

Imarisat immikkuullarissut, KNR-ip aallakaatitai aallakaatigeriigaalu sullitanut sumiikkaluarunilluunniit pissarsiaritissinnaaneri teknologiip qulakkiissavaa.

Teknikikkut atortut pisoqaliartuinnartut taarsersornerisigut KNR tusagassiisarfittut nutaaliaasutut saqqumissaaq, tassani teknologi ineriartornermut malinnaalluni. Tusagassiinerneq inuussutissarsiorfiusumut piaartumik allanggorartumut pisariaqartinneqartunut naleqquttumi KNR-ip teknikikkut inissisimaffeqarnissaa anguniagaavoq, imarisani atuisartut pisariaqartitaat teknologiimit nutaaliaasumit tunngavilerneqarniassammata. Teknologiip naleqqussarnera ingerlajuassaaq, avatangiisini allanggorarnerit malillugit, taamaaliornikkut ukiut qulikkaarlugit anertuumik aningaasaliisussaanerit pinngitsoortinniarlugit.

Teknikikkut aallakaatitassiornerit pitsaanerulersinnerisigut eqqarsarluarnerusumik maannakkullu isumalluutissaasut atorluarnerisigut KNR sulissaaq, tassani teknologiimut nutaamut aningaasaliissutit isumalluutissat pitsaanerulernissaannut suliallu ingerlannerisa pitsaanerulernissaannut tunaartaqassallutik.

Nutaamik tusagassiorfiliornermi KNR Kalaallit Nunaanni nutaaliaanerpaanik aallakaatitassiornermi atortoqalissaaq. Sulinerneq avatangiisit immikkuullarissut tusagassiorfiup pilersissavai, naleqartit sulisunit piviusunngor-

tinneqarnerisigut isumassarsiornikkut nutaanik atuisartut nuannarisaannik imalinnik naammassisarfiusunik alla-kaatitassiormikkut qulakkeerneqartunik.

Periusissiorfik suliniutit

Tusagassiisarfik nutaaq

Naammassisarfiunerpaamik aallakaatitassiornissamut avatangiisit pitsaanerpaat nutaamik tusagassiisarfiliornikkut pilersinneqassapput. Ilutigitillugu sulisumut avatangiisit nutaaliat tusagassiisarfip pilersissavai, inuussutissarsiorpalaartumik sulinermit avatangiisit naleqquttut qulakkeerlugit. Maannakkut mattussiviusut tusagassiisarfip ammarteqataaffigissavai ammanermillu aammalu sulinermit avatangiisinik, allat unnersiutigisaannik pilersitsilluni.

Siunissami aallakaatitassianut qanoq naammassisaqarfiusinnaasumik piareersimanissamut aaqjissorsinnaanermut tusagassiisarfip allanut tusagassiisarfik aamma isumassarsititsissaaq, teknikimut, aaqjissuusinnermut allafissormullu ileqqusumik agguataarinerit allatut pitsaanerusumillu takuneqarsinnaanngorlugit.

Illu ima sananeqassaaq, kikkut tamarmik takusinnaanngorlugit, ataatsimoornermillu misigissuseqarneq tassaalluni illup iluani angalagaanni misigisaasooq. Tugassiisarfik sananeqassaaq aallakaatitassioriaatsit studiamilu atortut nutaaliaasut naammassinnaasullu eqqarsaatigalugit.

Tusagassiisarfik periusissiami naalaartuusaaq, tassaassallunilu allanngoriartornermut KNR-imullu nutaamut, tamatta tunaartarlugu sulinitinni ersarissumik ilisarnaataasooq. Sumiiffimmut, "inuit nuannarinninnerinik" aallaaviusumut ilisarnaataasaaq, tassaassallunilu nukissamut nuannersumut attuumassuteqartoq, ileqqusunik nammataqartut soorlu oqaatsit sorlaqarfisaaq.

Teknikikkut inissimaffik nutaaq

Teknikikkut inissimaffimmut nutaamik pilersitsineq siammarteriviit naleqquttut siunissami imarisaannut tapitartuissaaq, atuisartut sumiiffigisaminni naapillutik. Atortutut aaqjissugaasut siammarteriviit arlaqartut tapitartusavaat, imarititat naammassisarfiusumik atuisunut sumiiffinni arlalinni saqqummersinneqarsinnaanngorlugit. Internetti teknikikkut nammattut inissimaffiussaaq, siammarteriviit akimut ataqatigiinnissaannik qulakkeerisoq, tassani knr.gl web-ikkut, TV-ikkut radiukkullu imarititanut qitiussalluni.

Kanalit pioreersut soorlu KNR1 aamma KNR2 assigiimmik atorneqassapput HD-mullu nutaajunerpaamut naleqqussarneqassallutik, atuisartut KNR-imik misigisaat nunani allani kanalinut assersuunneqarsinnaasut eqqarsaatigalugit ullutsinnut naleqquttuussallutik. Teknikikkut aallakaatitsinermit atortut assit pitsaassusiisa kivinnissaat aammalu atuisartut pitsaassutsimik iluarinninnerulernissaat siunertarlugit atuutilersinneqassapput.

Radiukkut aallakaatitanik assigiinngitsunik imaqartunik atuisut pisariaqartitsinerat malillugu, radiukkut kanalit arlaqartut siammarterinnissaannut radiuumut teknologip nutaap atorsinnaaneranut periarfissat misissorneqassapput – DAB teknologi ilanngullugu – tunaartarisat eqqarsaatigalugit radiukkut aallakaatitanik naleqqussakkanik atuisut pisariaqartitaat KNR-ip naammassinnaaniassammagu.

Digitalinngorsaaneq


KNR-ip ileqqutoqqatut kingornussarsiai tamanit digitalinngorlugit pissarsiassanngortinnissaannut radiuumut TV-imillu toqqortat ilanngullugit digitalinngorsaasoqassaaq. Tamanit pissarsiassanngorsaaneermut pilersaarsiortoqassaaq ilutigitillugulu toqqortaait pisoqalisut nungutsaaliorneqassallutik. Sulineq naammassisaqarnerulersinniarlugu suleqatissarsiortoqassaaq immikkullu isumalluutissanik tamanna ilaneqarluni, eriagissat piujuaannartinniarlugit. Nal. akunnerini 15.000-ini TV-ikkut aallatitat digitalinngorsagassat nassaassaapput, maannakkut isumalluutissaasut atorlugit ukiumut nal. ak. 900 miss. digitalinngortinneqartarlutik. 2017-imit naatsorsorlugu båndit ukiuni 3-5-ni piusinnaapput. Radiukkut aallakaatitat båndinit 1,8 TB digitalinngortinneqarput. nal. akunnerini 75.000 miss. aallakaatitat digitalinngortinneqarsinnaasut missingersorneqarput. Maannakkut naam-

massisaqarsinnaassuseq eqqarsaatigalugu TV-ikkut allakaatitatuqqat annaanissaat aarlerinartoqarpoq, digitalinngorsaanermi piffissaq atorneqartussa q båndit pisoqalivallaarnissaannut piffissamit sivisunerujussuussammat.


Suleriaatsit

Teknologiip pitsanngorsarneratigut KNR naammassisaqarsinnaanerup pilersinnissaa siunertaralugu suleriaatsit pitsanngorsaavigineqassapput, taamaaliornikkut nal. akunnerini amerlanerusuni atuisunut aallakaatitsinerit aningaasat amerlanerunngitsut atorlugit pilersillugit, kisianni tusagssiorfittut tutsuiginartutut salliusutullu takorluugaq aallaavigalugu.

Teknikimi tusagassiorfimmillu nutaamik anguniakkat



Teknikimi tusagassiorfimmillu nutaamik anguniakkat



05

Kinaassuseq Aningaasatigullu atugassarititaasut

Periusissiornermi kinaassutsikkut aningaasatigullu inissisimaneq

Nutaamik periuseqalernermit atatillugu, ileqqorisanik, aallakaatitat imaannik periutsillu annertuumik allanngortinnerinik kinguneqartoq, KNR-ip kinaassusianik aamma suliaqassalluni pissusissamisoorpoq. Periusissap atuut-sikkiartornera malillugu ileqqorizat ingerlaavartumik allanngorassapput. Kinaassutsip nutaap aallartinneranut tusagassiorfittaag ilisarnaataassaaq.

Tusagassiorfittaarnermi sulisut "KNR-itoqqamut" inuulluaqqusissapput. KNR-ip inuit isumaanni nutaaliaasutut nutaamillu kinaassuseqartutut, naleqartitanik aammalu aqutsinermi sulinermilu ileqqorilikkanik periussiorfiup nalaani pilersinniarneqartut malinneqarnissaat, tusagassiorfittaap qulakkiissavai.

Aningaasaqarniarneq unamminartuujuassaaq, taamaattumik sulinemi ileqqorizat, KNR-ip naammassinninnerunissaa aammalu atuisunut naleqarnerpaamik pilersitsilluni aningaasanik atuineramik qulakkeerisussat, sulissutigineqassapput. Teknologiiq nutaap suleriaatsillu ullsinnut naleqquttut malitsigisaannik, sulisoq eqqarsarluarnerusumik sulissaaq.

Aningaasaqarneq paasinarnersuaq, atuisut, soqutiginnitsit oqartussaasullu KNR-ip aningaasanik sunut atuineera takusinnaassavaat. Tamanna akimut ersittuussaaq paasiuminarlunilu, aningaasat sunut atornerqarneri soqutiginnitsit akornanni toqqissimanarluni, tamannalu KNR-ip aallakaatitassiornermik sulineranut najoqqutassanillu nutanik eqqarsaasersorneranut eqqissimatitsissaaq.

KNR-imut aningaasat amerlanerusut qulakkeerniarlugit, aallakaatitassiornermi pilersaarinermilu iluanaarutissanik nutaanik suliniuteqartoqassaaq, taakku pisortat aningaasaliissutaasa saniatigut iluanaarniutigineqarlutik atortunut nutaalianut aningaasaliissutinullu allanut atornerqassallutik.

Periusissiorlugit suliniutit

KNR periusissiornerup nalaani tulliuuttuni suliniutit 3 sulissutiginiarpai inuit isumaat ajunnginnerusoq aningaasaqarnerlu paasiuminartooq qulakkeerniarlugit, ilutigitillugu isertitaqarfiusinnaasut nutaat ujartorneqarlutik.

**Naatsorsuutit paasiuminartut
Kinaassuseq ullutsinnut naleqquttoq
Suliaqarfiit nutaat aningaasarsiorfiusut**

Akimut ersitsitineq

Aningaasaqarnermi akimut ersitsitineq periusissiami suliniutit pingaartut taasariaqartoq, KNR-ip aningaasaqarnerata annersaa aningaasanut inatsit aqutigalugu pissarsiarineqartarmat. KNR-ip suliai pillugit annertuunik nalunaarusiortoqartaraluartooq, KNR oqaasilersorfingineragajuttarpoq, akimut ersingippallaarnermik aammalu soqutiginnitsit ilisimangikkaat, aningaasat sunut atorneqartarneri. Taamaattumik pingaartorujussuuvoq, KNR-ip aningaasat sunut atortarnerai aammalu atuisut sunik pissarsinersut KNR-ip paasinartumik ajornangitsumillu nassuiaanissaa. Tamassuma KNR akornusersorneqarani sulitissavaa akuliuffigineqarani kiisalu KNR-ip inunni isummersorfingineri nukittorsarlugu, KNR-ip sunik suliaqarnera avataanit ersarinnerulersillugu.

KNR-imi aallakaatitassiornermi aningaasaqarneruq sulissutigineqassaaq, siammarterivinni immikkut ataasiakkaani (radio, knr.gl aamma TV) aallakaatitassiornermi aningaasartuutit tamakkerlugit takusinnaanngorlugit.

Aallakaatitassiornerit aningaasaqarnerisa isumalluutit sumi atorneqartarnerinik ersitsitilissaaq, aallakaatitassianilu toqqaanermi tulleriarinerit paasinarsilersillugit. Aamma sipaarniuteqarfiusinnaasut sumiinneri paasinartilissavaat, kingorna aallakaatitassianut nutaanut allanngortitsisoqarsinnaalluni.

Aningaasaqarneruq paasiuminarsippat akimullu ersitsitisoqarluni, saqqummiussisarnermik ileqqoqalernissaaq siuarsassallugu aamma anguniagaavoq, tassani ilisimaneqarluni aningaasat sunut atorneqarnerisut kiisalu suliniutit immikkut ataasiakkaanut uuttorlugit malinnaavigalugillu. Isumalluutissanik atuinnermi ersarissuseq tassuuna pilersinneqassaaq, missingersuusiorneq piffissalersuinerlu kiisalu pitsaassutsit ilanngullugit.

Kinaassuseq

Periussiukkap nalaani KNR-ip kinaassusia allanngortussaassaaq, tusagassiorfittut tutsuiginartuunermik salliunermillu takorluukkanut naleqquttunngorluni. Ullumikkut KNR-imik atuisut oqartarput, tassaasut: tutsuiginartut, eqartut, inunnit nuannerineqartut kiisalu Nuuk qitiutillugu illuinnaasiortut. Taamatut isummersimaneq periusissiorfiup nalaani allanngortinneqassaaq, KNR tassaasoq: inuussutissarsiorpalaartoq, tutsuiginartooq, isumassarsiortoq, qaamarsaasoq, ullutsinnut naleqquttoq aamma nuna tamakkerlugu nakkussisoq.

Kinaassuseq allanngortinniarlugu immikkoortut arlaqartut ataatsikkut sulissutigineqassapput, taamaattumik periusissiami uani suliniutit ilarpasuini inuit KNR-imik isumaannik allanngortitsiniutut suliniutaapput, inuit isumaannut kissaatigineqartumut naleqquttunngorlugu.

Pitsaassuseq tamani qulequtaassaaq, KNR-ip kinaassutsimik allanngortitsiniarnerani iluaqutaasussaaq. Aallakaati-

tassiat imaasa pitsaalluinnartuunissaat piumasaaqataassaaq, tamanna aamma aallakaatitassianut avataani suliarineqartunut atuutissaaq. Aallakaatitassiaq KNR-imi imaluunniit tusagassiorfinnit avataaneersunit suliarineqarnerisooq atuisut immikkoortinneq ajorpaat. Taamaattumik KNR-ip pitsaassusissaanik piumasaaqasiortoqassaaq, tassaassasoq KNR aallakaatitsisuutillugu pitsaassutsit minnerpaaffissaat. Sulisut piginnaanerisa siuarsarnerisigut suliffiup iluani pitsaassuseq aamma kivinneqassaaq, tamanna periusissami aamma taaneqareerpoq, kisianni KNR-ip kinaassusianik kissaatigineqartumut allanngueqataassaaq.

Periusissiornermi KNR-ip ininut nutaanut nuunnissaanut tapiliullugu, nutaamik kinaassuseqalerneq aamma immikkoortuuvoq naleqartitat tunngavigalugit pissuseqarnermut, KNR-ip siunissami aqutsisussatut kissaatigisaanut tapersiinnaasoq. Tamatuma saniatigut kinaassuseq aamma timalimmik allanngortinneqassaaq, sanaartukkanut nutaanut nuunnermut atatillugu KNR-ip titartakkatut ilisarnaataa allanngortillugu aallartinneqassamat. Allanguineq titartakkatigut takuneqarsinnaassaaq, aallakaatinneqartartunut ullutsinnut naleqquttunut siammarterivinnilu KNR-ip najuuffigisaanut naleqquttuussalluni.

Iluanaarniutit suliaasaqarfiit nutaat


Aningaasaqarneq isumalluutissaavoq killeqartoq, taamaattumik suliat amerlineqassappata isertitaqarfissat nutaat nassaarineqassapput. Taamaattumik inatsisitigut killiliunneqartut iluini iluanaarutissatut suliniutit nutaat, KNR-imut suliniutinut nutaanut atortunullu, Namminersorlutik Oqartussat maannakkut aningaasaliissutaannit matussuserneqanngitsunut aningaasaliinissamat isumalluutissaqalersitsisut sulissutigineqassapput.

Suliniutit nutaat assersuutigalugu tassaasinnaapput akilersilluni aqqissuussinerit, savalimmiormiut ilaarlugit bingo/lotto imalluunniit assersuutigalugu peqqinnissaq/avatangiisit pillugit aallakaatitassiornissamat aningaasaliissinerit. Aallakaatitassianut taamaattunut aningaasat nunanit allani immaq nassaarineqarsinnaapput. Ungasinnerusumi aallakaatitassiat nunani tamalaani tuniniarneqartut oqaluuserineqarsinnaapput, taamatullu suliffeqarfinnut Nunatsinni tunisassialerisunut paasisimanninneq ilisimasallu tuniniassallugit periarfissaqarsinnaalluni.

Eqikkartut/suleqatigiit pilersinneqassapput misissuisussanik, aallakaatitassiat suliallu allat aqqutigalugit isertissat nutaat qanoq nassaarineqarsinnaanerisik. Nioqqusiornermik suliniutit najoqqutassiornissaat eqikkartut aamma qulakkissavaat, tunisassiat sinnerinut naleqquttunngorlugit. Eqikkartut KNR-imit tamanit inuttalersorneqassaaq, isumassarsiat siammasissuuniassammata nutaanillu sammiveqarlutik.



Kinaassusermut aningaasatigullu atugassaasunut anguniakkat



Kinaassusermut aningaasatigullu atugassaasunut anguniakkat

